



3. november 2016

UPA 2016/61

Inatsisartut Suleriaasianni § 36 naapertorlugu apeqquteqaat aallaavigalugu oqallissiaq imattoq matumuuna saqqummiupparput:

"Ilinniartoqarneq pillugu inatsimmik" taaneqartup naleqqussarnissaq siunertaralugu attuumassuteqartut soorlu suliffeqarnerup iluani illuatungeriit ilinniarnermullu atatillugu atuagarsorfiit atuarfiit akuutinnejarnissaat pisariaqarnersoq pillugu apeqquteqaat allaavigalugu oqallinnissamik siunnersuut, taamaasiornikkut qularnaarumallugu, inatsisip ingerlalluarnissaq taamatullu Inatsisartuni amerlanerussuteqarluartunit innuttaasunillu tapersorsorluarneqarnissaq.

(Demokraatit Inatsisartuni gruppiat)

Inatsisartuni amerlanerussuteqarluartunit tapersorsorneqarpoq annertuumik suliniutigineqassasoq ilinniarnermut atatillugu sungiusaatigalugu suliffissanik- aamma ilinniartut sullivissaannik pilersitsiortornissaq. Tamannalu tupinnarpallaanngilaq eqqarsaatigigaanni inuusuttut pisuussutitta annersarigaat aamma inuusuttut taamatullu kinguariit ilinniarluarsimasut taakkummata siunissami inuiaqatigiit sanarfineranni tunngaviusussat - aamma pisariaqartussat tamatta kissaatigisatsitut namminersulivinnissatsinni.

Taamaattumik ajornartorsiutit pioreersut aaqqinneqartariaqarput ilinniarnermut atatillugu sungiusaatigalugu suliffissanik- aamma ilinniartut sullivissaannik pilersitsiortornikkut pingarnerutillugu ilinniartitaanerup ilinniartoqarnerullu nutaaliqfiginissaat aamma minnerunngitsumik: Partiit tamarmik akuutinnejassasut kiisalu suliffeqarnerup iluani illuatungeriit akuutinnejassasut qularnaarumallugu, innersuussutigineqartut tulluartut tamarmik tusarnejarnissaat aamma immikkoortumi suliniutissatut eqqarsaatigineqartunut pisariaqartitsineq naapertorlugu ilanngunnejarnissaat.

Aamma tamannarpiaq pissutigalugu apeqquteqaat aallaavigalugu oqallinnissamut siunnersuiteqartut ernummatigaat, suliffeqarnerup iluani kattuffiit arlallit misigisarmassuk, kissaatimik misilitakkamillu pisariaqartitsineq naapertorlugu ilaatinnejartannginnerat - aamma naliginnaasumik mianersoqqussutiginikuummassuk inatsisissatut siunnersuut Naalakkersuisut UPA16 sioqqullugu tusarniutiginikuusaat. Isornartorsiorteqartut ilagaat "ilinniartoqarneq pillugu inatsimmi" eqqarsaatigineqarsimanngimmat branchemiiit branchemut pissutsit assigiinngitsorujussuusut, eqqarsaatigalugit ilinniartut/ilinniarnermut atatillugu sungiusaatigalugu sulisut brancheni ataasiakkaani qassit - piviusorsiortumik - atorfinitssinneqarsinnaanersut. Branchit ilaat allanut naleqqiullutik amerlanerusunik ilinniartoqarsinnaapput - tamannalu pissuseq pingaaruteqarluinnartoq inatsisissatut siunnersummi pigineqareersumi ersinngilaq. Tamanna ajorpoq aamma tullutissagaluarpoq



tamanna naleqqussarneqartuuppat inatsisisstatut siunnersuutip UPA17-mi saqqummiunneqannginnerani. Aamma taamaappoq ilinniarnermut atatillugu atugassorfiit atuarfiit eqqarsaatigalugit: Ilinniarnerminnut atatillugu atuarfimmi sungiusaatigalugu sulisussanik qassnik taakku tigusisinnaappat?

Pissutsit taakkorpiaat pissutigalugit isumaqarpugut aamma tulluassasoq Ilinniartitaanermut Naalakkesuisoqarfik suliamut ilanngunneqartuuppat, naalakkersuisoqarfip taassuma ilinniarnermut atatillugu atuagarsorfiit atuarfiit aamma ilinniarnermut atatillugu sungiusaatigalugu atuarfimmi sulinerit akisussaaffigimmagit. Tassunga atatillugu naalakkersuisoqarfik qulequttamut paasissutissanik tunniussaqarsinnaaqqooqaaq, qanoq iliorluta ilinniartut akornanni ikerinnakkut taamaatittartut ikilisarsinnaanerigut pillugit, tamanna naliginnaasumik annertuumik unamminarsinnaasarmat. Unamminartoq naalakkersuisoqarfip aamma allatigut sulissutigisaa.

Taamaattumik uggornarpoq, "ilinniartoqarneq pillugu inatsit" piviusunngortinnejarmat akuusut inatsisisamut siunnersuutip sananeqarnerani naammattumik akuutinneqarsimanngimmata. Immikkut uggornarpoq tunngaviusumik Inatsisartuni tapersorsorneqarluarmat, "Ilinniartoqarneq pillugu inatsimmik" ilusilersuissasugut aamma piffissaq ungasinnerusoq isigalugu atasinnaasumik - aamma inuusuttorpassuit inatsimmik malinnittussanngortussat, nuannarilersinnaasaannik.

Tassunga atatillugu siunnersuuteqartunit naqissusissallugu pingaaruteqarpoq, ilinniarnermut atatillugu sungiusaatigalugu sulilersussat taamatullu ilinniartut, "ilinniartoqarneq pillugu inatsisip" nassataanik atorfinitinneqartussat, sullivimminni toqqissisimanissaat - sullivimmi ukiuni arlalinni ilinniarnerminnut atatillugu sungiusaatigalugu sulinerminni sinaakkutaasussami. Ilinniartut aamma ilinniarnermut atatillugu sungiusaatigalugu sulisut toqqissisimanissaat ulorianartorsiortinnejalersinnaavoq, sulisitsisoq isumaqalissagaluarpat "ilinniartoqarneq pillugu inatsit" kipparippallaamik sananeqarsimasoq aamma ulluni naliginnarni sakkutut atorsinnaanngitsoq.

Ajornerpaamik kingunerisinnaavaa, sulliviit "ilinniartuuneq pillugu inatsisip" siunertaanut assortuilererat - tamatumalu ilinniartut ilinnernerminnullu atatillugu sungiusaatigalugu sulisut pikkorissusaat toqqissisimanerallu innarlersinnaavai. Tamanna pissappat, suallangitsuussuuugut. Taava - oqaatigilluaannarlugu - inuusuttut suliffissaaleqinerat sullivitta igaasa sisamaasut iluanni kisassavarput, kissaatigisatsitullu angoqqusarput pitsangorsaanissaq angunngitsoorlugu. Alla - piviusorsiungilluinnartoq - kingunerusinnaasoq tassaavoq, ernummatigigatsigu ilinniartut ilinniarnerminnut atatillugu sungiusaatigalugu sulisutut ilinniartutullu aallartinnissaminut kajumissuseerussinnaanissaat, ilinniagartik naatsorsuutigisaminut naapertuutinngimmat. Allatut oqaatigalugu: Inuiaqatigiittut akissaqartinngilarput inuusuttatta ilinniartut ilinnernerminnullu atatillugu sungiusaatigalugu sulisut amerlavallaat ikerinnakkut unittalernissaat, pissutigalugu "ilinniartuuneq pillugu inatsit" aallaqqaataaniit iluamik



suliarineqarsimannginna.

Inatsisiliornermi sabinngisamik amerlanerpaat akuutinneqarnissaannut tunngavilersuutitta pingajuat tassaavoq inatsisip piviusunngortinnissaata akisunera. Inatsisissatut siunnersuut tamakkiisumik atuutilerpat "ilinniartuuneq pillugu inatsit" ukiumut 50 millioner koruuninik akeqartassaaq. Sunniut kissaatigisarput angussagaluarutsigu, aningaasaliissutit pitsasumik aningaasaliissutaasimassapput pisariaqporli, amerlanerussuteqarluartut tapersersuinissaat ilaallutik inatsisissatut siunnersuummut susassaqarlutik akuusut. Tassunga ilanngutissaaq, siunnersummi siunertarineqarmat immikkoortut ilinniartunik imaluunniit ilinniarnerminnun atatillugu sungiusaatigalugu sulisussanik pilersaarutit naapertorlugit atorfinititsisinnaanngitsut ilinniartunik imaluunniit ilinniarnerminnun atatillugu sungiusaatigalugu sulisussanik atorfinititsinngitsoornissaminnut akiliisinneqartarnissaat.

Siunnersuutip aquunissaanut 2,5 millioner koruunit immikkoortinneqarput assigalugu sisamanik sulisoqarnissaq inisisimasussanik Inuussutissarsiornermut, Suliffeqarnermut Niuernermullu Naalakkersuisoqarfimmi. Apeqquaavoq tulluunnerussannginnersoq, inatsimmik aqtsineq maannakkut atuuttumi AMA-mi ilaasuuppat (Sulisitsisut suliffeqarnermut akitsuutaat) sulisitsisut akilersoriigaat. Taamaaliornikkut aaqqissuuussinerit nutaat pilersinnissaa pisariaarutissagluarpoq, tassami allaffissorneq nutaarluinnaq pilersinneqartussaammat, siunnersuut saqqummiunneqartoq naapertorlugu.

Suliffeqarnerup iluani kattuffiit pingasut, Nusuka, SIK aamma GE Naalakkersuisunut ammasumik allagaqarnikuupput kaammattuillutik Naalakkersuisut suleqatigiisitaliussasut, ataatsimoorluta pilersinniassagatsigit ilinniartut sulliviit aamma ilinniarnermut atatillugu sungiusaatigalugu sulliviit amerlanerusut. Inuussutissarsiornermut, Suliffeqarnermut Niuernermullu aamma Nunanut allanut tunngasunut Naalakkersuisup kattuffiit ammasumit allagaat pillugu akivoq suleqatigiisitamik pilitserusulluni, "ilinniartuuneq pillugu inatsit" akuersissutigineqareerpat. Naalakkersuisup akisussaasup akissutaani tunngaviuvoq, siunnersuutip UKA16-mi suliarineqarnissaa - maannakkulli paasinarsivoq siusinnerpaamik UPA17-mi Inatsisartut ataatsimiilerpata saqqummiunneqarsinnaasoq. Tamatuma tungaanut siunnersuut tulluarsarneqarsinnaagaluarpat qujanassagaluarpoq taamaasilluni siunnersuutip pingaauteqaqisup inuusuttatsinnullu pingaaruteqaqisup amerlanerpaanit tapersorsorneqarnissaa.